

春在堂全書

第三函
十二冊

已庚編

春在堂詩編十七

己亥元旦試筆

支離病叟太伶仃七十居然又九齡門榜偶題新鼎甲

房幃未抱小添丁

余未有曾孫

賀氓手稿仍編集

今年擬刻稊文六編

山長頭銜謝詒經

去歲已辭詒經講席

一拜影堂還復臥不堪扶

杖到園亭

每年元旦必至曲園望空三揖致敬於花木之神今病未能也

風箏續舊作

金繩覺路認依稀憑仗封姨爲指揮俯仰風塵無俗韻

翱翔雲路有危機

此一聯乃四十年前舊句

重如壯士千鈞挽輕

若仙人一舄飛安得冷然追列子排空竟去不須歸

諸暨令沈君劍芙以浣紗二字拓本見贈却寄二

絕句

浣紗溪上浣紗石兩字傳由王右軍賴有櫟園書影在

始知名蹟出唐君

此二字乃龍游唐堯臣書諸暨令也見周亮工櫟園書影

大令今逢沈隱侯平生詩酒擅風流何妨再染摩崖筆
不讓堯臣在上頭

花農以全家照像寄示率題一詩

的皪銀光一幅鋪鬚眉如鑑不模糊人從福慧雙修到

數與乾坤六子符

君與夫人三子三女皆在

眷屬神仙都絕俗精神

松柏本非臞

君來書言近狀視照像較腴

紫宸黃閣他年事再畫朝

天比翼圖

花農又以乾隆審茶甌寄贈賦謝

內府茶甌製最工百年故物認乾隆

甌署敬畏堂製四字乾隆內府物也

一箋寄自蓬萊客十詠添來桑苧翁祕色却分蘋果綠

好花剛映石榴紅

案頭適供榴花

茗餘追話昇平事寫八甌南

小錄中

往年花農贈一茶壺余爲著壺東漫錄今又以茶甌贈因請援甌北例著甌南錄然恐未能矣

徐壽蘅前輩同年拜工部尚書以詩寄賀

清才碩學冠朝中五十年來拜下風荀子齊廷三祭酒

在朝翰林公爲領袖

毛公周室大司空約園光景前游在

公新刻約園志

園在浙學署

綸閣勲名後望隆惜我阿蒙吳下老幾時再得

一尊同

壽蘅前輩又寄贈二詩次韵奉酬

一品穹官八秩年尙將妙墨灑松煙真人自抱神仙骨

古佛還參文字禪處世良規無過耐

公賜余孫陞雲書云五十年翰林始

至一品得

力在耐字投時高論竟誰賢孫枝幸許龍門附敬拜先

生此祕傳

試拈枯管和新吟三復來書意轉深且喜此翁猶矍鑠

緣知吾道未銷沈長沙太傅憂時涕小雅詩人憫亂心

來書言交食頻仍訛言煩

興皆小雅詩人所三歎也自愧蹉跎無遠志坐看歲月

去侵尋

來書言蕭勺羣愚望之有道君子然余非其人也

花農於五月三十日 召對儀鸞殿詳錄問答語

寄示爲賦此詩

儀鸞宮闕啓重重親上雲階拜 袞龍 金殿平明天

咫尺 玉音問答語從容兵農籌度時方亟書畫評量

職所供

二句括問答大意

曰吁

君勤微示意徘徊尤見

聖恩濃

召對至四刻之久

皇太后乃從容曰那沒你語止半句蓋命之出而不忍言出所以待近臣

者如此其厚也

詰經精舍今歲又虛講席劉景韓中丞兩次來書

請復主詰經而精舍諸生亦同稟中丞力申是請

率賦小詩謝之

衰翁八十太穉唐

明年八十矣

壇坫湖山卅載長世上從無

不散席人生難得好收場

二句皆據俗語

蛇成畫足功徒費豹

死留皮願或償他日講堂香一瓣可容末坐附孫王

精舍

奉孫淵如王蘭泉兩先生木主皆始掌教也

余言於景韓中丞請以汪柳門侍郎主詁經講席

聞開課有日喜贈一詩

卅年手握大文衡桃李春風滿

鳳城

君累充主考學政會試總裁殿

試讀卷門生滿天下

北闕夔龍存舊望西湖鷗鷺訂新盟好尋

嘉道流傳派莫負儀徵創建情我似老僧宜退院敢將

衣鉢屈先生

余與花農以堪字韵唱和已二十餘叠矣今年夏
花農又四叠韵徐澂園尚書見而喜之亦四叠韵
并寄吳下余亦叠韵如其數呈澂園即寄花農

頭白尚書興尚堪每憑高詠發高談飛騰雲路 天門

九接洽 恩光晝日三萬壽節尚書蒙賜宴賞 召

對歷四刻之久已有勲名懸魏闕還將詩句寄陶庵 金華殿

內雍容語一片承平雅與南余每得花農書歎曰

司空新喜拜巢堪漢司空巢堪見和帝紀其人又見曹

蓋亦守舊蒿曰時艱每共談橫議喧闐十人九騷情微

婉一篇三梅花待賦王沂國著草休拈朱晦庵但願羣

公襄上理空山高臥讓圖南

六十年前記尙堪何哉不在其誰談惟期同作野王二

定許重賡宵雅三

余與尙書皆道光甲辰恩科舉人至癸卯正科可重賦鹿鳴矣

朝右耆臣靈壽杖山中禪客太平庵雲鵬籬鷄遙相望

未覺天涯限朔南

老擁皋比我不堪

今歲詰經又虛講席劉景韓中丞鼓兩函來請余力辭之薦柳門自代

詞平話佐間談荒祠考定唐桑九

西湖有唐桑憲保祠憲保行九故題曰桑

九部王今誤作三九余考正之載春在堂隨筆

豪蹟鋪張沈萬三

余茶香室續鈔載沈萬三

詳事甚

吳下偶成新樂府

余新著傳奇二種曰湖濱空鎖

舊吟庵近來筆墨疏慵甚莫誤經師訪濟南

前詩既成覺所以答花農者尚略因又疊韵二首

敢同韓愈屈牛堪

昌黎有送牛堪序自云師屬也

殊勝秦青服薛談元

澗採芝曾過五

花農屢有芝瑞

黃翁洗髓又經三

花農時生傷

仍開

日下詩人社

花農有日邊酬唱集

爭訪橋東米老庵

花農寓虎坊橋東

見

說已成青瑣記

花農著此書將成

不須叢話索甌南

花農前以茶壺贈余

爲著壺東漫錄今又贈茶甌曰可成甌南叢話矣

自問原非殷仲堪也教揮麈作清談看君穩步花輶八

容我閒開竹徑三尚擬清風拜徐墅

西湖俞樓與清風草堂鄰

還將

老淚灑彭庵

每過退省庵時或流涕

相從幸有高賢在五絕無慙

虞世南

花農宮庶所種盆荷連開並蒂花以蓮房二枚寄

贈賦謝其意

蓮因慧業遠留貽

花農母夫人有蓮因室集

喜見奇葩放並枝人在

九霄承雨露天將二美鬪風姿生皆兩兩周家士來必

雙雙魯國姬最好房中都有子合存偶數不嫌奇

一房

子一房十三子皆奇數也奇爲陽數多男之兆而并之則二十八仍是偶數

世振之都轉以京倉老米寄贈賦此謝之

老米偏於養老宜

來書云高年服食最宜

一囊捆載出京師多承

良友加餐意回憶長安索米時自昔太倉曾忝竊而今

遠道又分貽秋風湖上高軒過晶飯相留可不疑

余前辭謁經講席詩云可容末坐附孫王興到妄
言且亦身後計也乃謁經諸君子卽言於中丞於
精舍設立長生位雖感盛意實非鄙懷漫賦四詩

第一樓頭舊主人悠悠三十一年春生祠敢引于公例

尸祝奚煩畏壘民竊比何嘗心弗喜堅辭豈謂意非真

余一辭於監院曹小槎孝廉再辭於院長汪柳

門侍郎三辭於撫部劉景韓中丞均不見聽祇慙不

及曾文正自奮雄威斧作薪曾文正在日有欲爲設長

之生位者公恕曰吾見必手

耿耿殷憂許鄭知頻年灑淚對先師余丁酉開課詩云

痛哭先師許鄭前

一杯難救車薪火庚辛劫運還如昨甲子天元未有期

以後詩屢及此意

風雨雞鳴空宛轉雪泥雁爪任迷離惟欣咫尺彭庵在

常似蓬瀛相對時

俞樓後山有小閣花農名曰小蓬萊蓋戲以對彭祠前小瀛洲坊也

鶴書雲信約同儕

有楊君榮壽等聯名出小啟是日新招集同人期於九月十九日是日新

晴天氣佳一紙官符軍府下

是日奉中丞札飭監院以安設日期報院兩行

肴案講堂排生而受祭陶元亮

陶公輓歌云肴案盈我前想光景必似之死

或成神蔡伯喈盛會不知何以繼且圖高興此時皆

老夫匿跡在林泉頗訝虛名處處傳海外學堂留小像

日本人橋口太郎壽用西法照我小像去云將攜歸置之大學堂

山中書藏度新編

書藏有已愁薄福銷除盡無怪衰年老病全不久右台

安穩臥

余生壙在右台山隨他毀譽滿人間末句出韻用唐人孤雁出羣格

太常仙蝶見於前人歌詠屢矣花農所見有一仙
二仙三仙四仙之多則可異也爲賦一詩

蓬萊瑞靄望中凝得接靈蹤一再仍古佛竟兼三四五
金剛經有三老仙疑有子孫曾知君盍喜來相告愧我
四五佛之語無緣見未能余生平從惟祝源源相繼至異時畫稿再
摹滕

十月初八日誌感

六十年來一夢如不堪回首舊居諸當年十月逢初八

正是盧生入夢初

六十年前此日
乃余新昏日也

一別悠悠二十年杳無消息到重泉尙教舉案人猶在

此夕重開合巹筵

曉枕口占

最難調護小春天，乍暖還寒屢變遷。白笑衣裳顛到甚，

暖披裘褐冷披棉。

有灰鼠裘甚薄，一木棉裘較厚，並置他架上，隨其寒暖而用之，不嫌倒置。

更漏無如冬夜長，遲遲未入黑。酣鄉老貓只念彌陀佛，

不管宵來鼠輩狂。

有一貓自京師攜回，畜之已十有四年，初亦甚辟鼠，今則老矣，不爲搗婦。

先生頭腦本冬烘，一到天寒意轉慵。紅日滿窗猶擁被，

聽他二十四聲鐘。

近來晨起頗遲，自鳴鐘入下矣，牀上一鐘，案上一鐘，隔房又一鐘，俟三鐘。

齊鳴而後起，故二十四聲也。

老年精力愈衰微，暮史朝經事盡非。平話偶看花獨占，

彈詞更聽鳳雙飛

偶看今古奇觀平話內有獨占花魁一回鳳雙飛則新出彈詞也頗可觀

偶然微物足娛情隨手拈來總見成靈藥冬蟲還夏草

奇花溼死又乾生

蜀友張紹歐以冬蟲夏草來餽可入藥亦可人饌又兄子同愷往年寄我

乾菊花數朵以微火烘之花瓣皆舒如初開時置水中則仍乾沾矣余謂伊犁有溼死乾活草殆卽此類也

零落殘牙滿口空屠門大嚼苦無從廚娘頗解衰翁意

製罷魚鬆又肉鬆

仕宦原非三世家隨常粥飯不求奢盤中白菜兼青菜

壺內紅茶與綠茶

湖山笑傲舊吟身今日湖樓景色新紅燭兩行香一瓣

老夫未死已成神

詰經監院曹小樸來言十月十九日於精舍爲余設長生位陳設香燭

接到盧綸外弟書窮愁潦倒苦難扶如何專喜談兵事
地網天羅布陣圖表弟姚少泉年七十一矣喜談兵自言能布天羅地網陣可以制四夷欲
余言之劉中丞余謝不敢

萬事雲煙盡掃除老人所喜是閒居客房每倩客陪客

書買還求書換書

東偏書屋賓朋所集余哀慵未克陪侍也書坊中頻以閒書來易余全書

中零星
小種

老去文章總厭陳不如兒戲逐時新已看擁腫蓮蓬老

更見峻嶒蘿葡人

曾孫女輩削蘿葡爲人形厥狀可怖

寂寞門庭客到希吾孫新又入京師閒中只學王摩詰

一弄葫蘆一首詩

花農寄贈葫蘆四枚云大內物也余懸一枚於杖頭時一摩弄